

Акафист святителю Иннокентию, епископу Пензенскому и Саратовскому.

Кондак 1

Избранный уго́днице Хри́стов и дивный благоче́стия подви́жнице, святителю́ о́тче Иннокенти́е, восхваля́ем тя́ я́ко Правосла́вия поборо́ника и па́губных обы́чаев искорени́теля. Ты́ же, имей́ дерзнове́ние ко Го́споду, дарова́вшему нам́ тя́ вели́каго моли́твенника́ и ско́раго в беда́х помо́щника, моли́ о па́стве тво́ей, зову́щей: Ра́дуйся, святителю́ о́тче Иннокенти́е, те́плый моли́твенниче о душа́х на́ших.

Икос 1

А́нгельским смире́нием украси́в жити́е тво́е, святителю́ о́тче Иннокенти́е, от ю́ности Божество́нную Прему́дрость возлюби́л еси́, Ду́хом Святы́м освяще́н, луча́ми Хри́стова уче́ния всех просвеща́я; се́го ра́ди тебе́, на Небеси́ и на земли́ просла́вленному, во умиле́нии вопие́м си́це:

Ра́дуйся, смире́нием на го́ру добродете́лей возведе́нный;
ра́дуйся, ко А́нгельским ликам на Небеси́ причте́нный.
Ра́дуйся, Це́ркве Правосла́вныя па́стырю́ предобры́й;
ра́дуйся, па́стве сво́ей от волко́в губи́тельных защи́тниче
неу́страшимый.

Ра́дуйся, целому́дрия ревни́телю изы́щный;

ра́дуйся, о́бразе крото́сти драгоце́нный.

Ра́дуйся, Правосла́вия пропове́днице неу́станный;

ра́дуйся, архиере́ю Бо́жий свы́ше просла́вленный.

Ра́дуйся, я́ко зрени́ем ра́ки мо́щей твои́х нас утеша́еши;

ра́дуйся, я́ко исто́чник исцеле́ний оби́льно нам́ излива́еши.

Ра́дуйся, па́ству пе́нзенскую́ добродела́нию науча́яй;

ра́дуйся, зе́млю Сара́товскую́ в ве́ре утвержда́яй.

Ра́дуйся, святителю́ о́тче Иннокенти́е, те́плый моли́твенниче о душа́х на́ших.

Кондак 2

Ви́дев, святителю́ о́тче Иннокенти́е, я́ко ве́ра правосла́вная во Оте́честве на́шем попира́ется от лжеучи́телей иносла́вных, потща́лся еси́ вседу́шно Хри́сту послужи́ти и ве́ру и́стинную от ересей огради́ти, па́ству́ же от волко́в, расхища́ющих ю́, за́щити́ти. Мы́ же, дивя́щеся тако́му тво́ему́ дерзнове́нию, вопие́м укре́пльшему́ тя́ Го́споду: Аллилу́иа.

Икос 2

Ра́зум богопросвещённый имѣя, измлада Христу́ послужил еси́,
временныя сласти во умѣты вменяя, того́ ради́ благодатию
архиерейства увенча́ тя Господь. Мы же подвижническое изволение
твоё воспевающе, вопиём ти сице:

Ра́дуйся, путь правый избравый;
ра́дуйся, сим неотступно шедый.
Ра́дуйся, вся красная мира презревый;
ра́дуйся, душу свою добродетельми украсивый.
Ра́дуйся, сердце своё Христу́ отверсто имевый;
ра́дуйся, страстем входы его́ затворивый.
Ра́дуйся, послушания вся иноческая неленостно прошедый;
ра́дуйся, со страхом Божиим Жертву Безкровную приносивый.
Ра́дуйся, монахом правило изящнейшее;
ра́дуйся, священником образе благоговейнейший.
Ра́дуйся, всем подвижающимся добрый наставниче;
ра́дуйся, труждающимся спасения ради́ скорый помощниче.

Ра́дуйся, святителю́ отче Иннокентие, тёплый моли́твенниче о
душах наших.

Кондак 3

Си́лою свѣше облече́ тя Господь, ты же, святителю́ отче
Иннокентие, взял крест свой, невозвратно Ему́ последовал еси́, и
увѣдев, яко́ иго́ Христо́во благо и бремя Его́ легко́ есть, воспѣл еси́
Милосердному Бо́гу: Аллилу́иа.

Икос 3

Име́я на скрижа́лех сердца твоего́ слова́ Божественнаго Пávла,
исти́нный образъ вѣрным явился еси́, и нас вослѣд Христа́ шествовати
научи́, вопиющих ти такова́я:

Ра́дуйся, Христо́в учениче́ исти́нный.
ра́дуйся, во благовѣстии апóстолом подобный;
Ра́дуйся, яко́ чистото́ю а́нгельскою облеклся еси́;
ра́дуйся, яко́ отцемъ дрéвним во учéнии подражал еси́.
Ра́дуйся, даром прозрѣния почтённый;
ра́дуйся, исповѣдниче неустрашимый.
Ра́дуйся, яко́ в подвизехъ своихъ вели́ким преподóбнымъ ра́вен был
еси́;
ра́дуйся, яко́ непрестанно ко Го́споду моли́твы возносил еси́.
Ра́дуйся, милостыню творити николи́же оставивый;

ра́дуйся, па́мять сме́ртную на вся́кий час жити́я свое́го имéвый.
Ра́дуйся, благоле́пия хра́мов Бо́жих ревни́телю;
ра́дуйся, я́ко сам храм Го́споду яви́лся еси.

Ра́дуйся, святи́телю о́тче Иннокéнтие, те́плый моли́твенниче о
душа́х на́ших.

Кондак 4

Вели́кому святи́телю Ростóвскому Дими́трию не то́кмо ли́ком
подо́бен был еси́, но жити́ем и де́лы свои́ми сему́ уподо́бился еси́,
просвещáя малове́рных, ве́рных же укрепля́я, нас же всех научáя
вопи́ти Милосе́рдному Бо́гу: Аллилу́иа.

Икос 4

«Се Жени́х грядёт в полуно́щи», — та́ко воспёл еси́, блаже́нне,
благода́ть архиере́йства прие́м, не ра́бе, но дру́же Христов
Иннокéнтие, и Го́спода сре́тил еси́ душе́ю, любóвию горя́щею, и нас в
любви́ Божéственной укрепí, зову́щих ти такова́я:

Ра́дуйся, я́ко Си́ла Бо́жия соверши́ся в немо́щнем телеси́ твоём;
ра́дуйся, я́ко вси недúзи со смире́нием претерпéл еси́.

Ра́дуйся, клеветы́ и осужде́ния я́ко младе́нец незло́бивый прия́л
еси́;

ра́дуйся, я́ко во обличе́нии нече́стия на лица́ не взира́л еси́.

Ра́дуйся, ни́щих и си́рых пита́телю изоби́льный;

ра́дуйся, оби́женных защи́тниче дерзнове́нный.

Ра́дуйся, оби́дящих многомудре́нное обличе́ние;

ра́дуйся, учи́телю, па́ству, ти ввэ́ренную, ко спасе́нию наставля́яй.

Ра́дуйся, уны́ние си́лою упова́ния на милосе́рдие Бо́жие
победивый;

ра́дуйся, с крóтостию и смире́нием и от прóстых поуче́ния
приима́вый.

Ра́дуйся, вся́ ко́зни вра́жия си́лою Бо́жиею попра́вый;

ра́дуйся, Бо́гу сла́вно угоди́вый.

Ра́дуйся, святи́телю о́тче Иннокéнтие, те́плый моли́твенниче о
душа́х на́ших.

Кондак 5

«Возвели́чите Господа́ со мно́ю и вознесём И́мя Его́ вку́пе», —
та́ко па́ству Сара́товскую в про́поведи призыва́л еси́, ны́не же мы с
тобо́ю вку́пе вопие́м Жизнода́вцу Бо́гу: Аллилу́иа.

Икос 5

Непреста́нно в келли́и колéна преклоня́я, «Бо́же, ми́лостив бу́ди мнé грéшному», взыва́л еси́, и нам ми́лостива сотвори́ Влады́ку Небесе́ и земли́, тебе́ вопию́щим тако́вая:

Ра́дуйся, и́мя Господне́ яко ору́жие проти́ву ко́зней диаво́льских имéвый;

ра́дуйся, си́лу Бо́жию в немо́щнем телеси́ стяжа́вый.

Ра́дуйся, си́лою моли́тв твои́х вся́ наве́ты вра́жия разруши́вый;

ра́дуйся, благоче́стия сто́лпе, на ка́мени спаси́тельныя ве́ры возведе́нный.

Ра́дуйся, по́двигом до́брым чад свои́х терпели́вно научи́вый;

ра́дуйся, всего́ себе́ в ру́це Бо́жии преда́вый.

Ра́дуйся, все́ желáние ко Христу́ имéвый;

ра́дуйся, в Бо́зе на́шем намерéние свое́ полага́вый.

Ра́дуйся, яко́ Христу́ сораспя́лся еси́;

ра́дуйся, яко́ сла́дость лицéм к лицу́ зрéния Его́ ны́не вкуша́еши.

Ра́дуйся, хода́таю наш неусы́пный;

ра́дуйся, свети́льниче ве́ры неугаси́мый.

Ра́дуйся, святи́телю о́тче Иннокéнтие, тёплый моли́твенниче о душа́х на́ших.

Кондак 6

Дивным видéнием укрепí ты Господь при кончине́ земна́го жития́ твоего́: а́нгели Бо́жии прия́ша ты с собою́ и в Небéсныя обители́ вознесо́ша, иде́же ты поéши ны́не Бо́гу: Аллилу́иа.

Икос 6

Во свéтлыя о́ныя обители́ Бо́жия пресели́лся еси́, пречу́дне о́тче, словесéм псалмопéвца что́мым «Аз же, Го́споди, упова́ю на Тя». И нас во упováнии сем свéтлем укрепí, пою́щих ти тако́вая:

Ра́дуйся, а́нгелами на Не́бо вознесе́нный;

ра́дуйся, Небéсныя радости́ ещé на земли́ вкуси́вый.

Ра́дуйся, яко́ тебе́ Небеса́ отверзо́шася;

ра́дуйся, яко́ Господь в Небéсныя обители́ всели́ тя.

Ра́дуйся, до кончи́ны жития́ твоего́ о па́стве твоéй попече́ние имéвый;

ра́дуйся, яко́ немо́щи телéсныя чадолю́бие твоé не ума́лиша.

Ра́дуйся, яко́ Ду́хом Святы́м восходя́ от си́лы в си́лу, Небéснаго Ца́рствия дости́гл еси́;

ра́дуйся, яко́ та́мо ны́не со святы́ми ликовству́еши.

Ра́дуйся, яко́ и нас грéшных на земли́ не оставля́еши;

ра́дуйся, яко ду́хом нам спребыва́еши.
Ра́дуйся, моли́твами свои́ми нам помога́й;
ра́дуйся, яко любви́ твоя́ ника́коже оскуде́ на нас.

Ра́дуйся, святителю́ о́тче Иннокенти́е, те́плый моли́твенниче о душа́х на́ших.

Кондак 7

Хотя́ просвети́ти всех ве́дением неизрече́нных суде́б Бо́жиих, дивный́ списа́тель дел мину́вших был еси́, в нихже премудрый Промы́сл Созда́теля, вся племена́ и языки́ ко спасе́нию веду́щий, всем указа́л еси́. Темже и мы Ще́дрому Бо́гу поклоня́емся и вопие́м: Аллилу́иа.

Икос 7

Но́ваго тя чудотворца́ и моли́твенника дарова́ нам Человеколю́бец Госпо́дь, егда́ за умноже́ние беззакония́ оскуде́ во мно́гих любви́. Сего́ ради́ твоего́ е́же о нас предста́тельства про́сим, на всепокрыва́ющую любовь́ твою́ наде́ющиеся: не оста́ви нас в годину́ лю́тых испытаний́, укрепля́я моли́твами твоими́ вопию́щих ти такая́:

Ра́дуйся, яко моли́твами твоими́ зе́млю на́шу облагоуха́л еси́;
ра́дуйся, яко по́двиги твоими́ край наш освяти́л еси́.
Ра́дуйся, о па́стве твоей́ предста́телю неусы́пный;
ра́дуйся, помо́щниче наш во вся́ких беда́х и напа́стех.
Ра́дуйся, списа́телю суде́б Бо́жиих пречу́дный;
ра́дуйся, те́ми вся ны наста́вивый.
Ра́дуйся, пропове́дниче велегла́сный;
ра́дуйся, дела́телю вертогра́да Христо́ва премудрый.
Ра́дуйся, ве́рный и благой́ воине́ Царя́ Небе́снаго;
ра́дуйся, цевни́це духо́вная, Ду́ха Свята́го испо́лненная.
Ра́дуйся, архиере́ев богодохнове́нное украше́ние;
ра́дуйся, благоче́стия твёрдое огражде́ние.

Ра́дуйся, святителю́ о́тче Иннокенти́е, те́плый моли́твенниче о душа́х на́ших.

Кондак 8

Стра́нное и пресла́вное чу́до яви́ся всем, егда́ честны́я и многоцеле́бныя мо́щи твоя́, а́ще и от безбо́жных поругани́ бы́ша, обрето́шася па́ки. К сим у́бо припада́юще, Бо́гу вопие́м: Аллилу́иа.

Икос 8

Весь еси́ в вы́шних, но и нас, до́лу повер́женных, не оставля́еши, святите́лю о́тче Иннокенти́е, моле́ния на́ша слы́шиши и ско́ро исполня́еши. Неотсту́пен у́бо пребу́ди от нас, вопию́щим ти тако́вая:

Ра́дуйся, я́ко все́х прибега́ющих к тебе́ заступа́еши;
ра́дуйся, я́ко врачевáния нам источа́еши.
Ра́дуйся, я́ко моле́нием на́шим внима́еши;
ра́дуйся, я́ко во благо́ их исполня́еши.
Ра́дуйся, я́ко чудесы́ твоими́ ве́рныя возвеселя́еши;
ра́дуйся, я́ко моще́й твои́х бе́си трепещу́т.
Ра́дуйся, я́ко нас, грехми́ омраче́нных, просвеща́еши;
ра́дуйся, я́ко смрад страсте́й на́ших отгоня́еши.
Ра́дуйся, я́ко талант, Бо́гом да́нный тебе́, умно́жил еси́;
ра́дуйся, я́ко в ра́дость Го́спода твоего́ вшел еси́.
Ра́дуйся, я́ко нас пред Престо́лом Бо́жим неприя́тно помина́еши;
ра́дуйся, я́ко в жити́и сем нас не оставля́еши.

Ра́дуйся, святите́лю о́тче Иннокенти́е, те́плый моли́твенниче о душа́х на́ших.

Кондак 9

Вси правосла́внии лю́дие возрадоваша́ся, егда́ на Соборе́ святите́льством в лице́ святы́х Це́рковь Правосла́вная просла́ви тя. Мы же, иму́ще тако́ваго моли́твенника, вопие́м возвели́чившему́ тя Бо́гу: Аллилу́иа.

Икос 9

Вети́и суето́удреннии, тобо́ю посра́мленнии, недоуме́ют, что́ глаго́лати, си́лою бо Бо́жиею укрепля́емь, сих дерзнове́нно обличи́л еси́. Мы же, взира́юще на пра́ведное жити́е твоё и на твёрдое ве́ры правосла́вныя испове́дание, вопие́м ти тако́вая:

Ра́дуйся, Христо́м Бо́гом возлю́бленный;
ра́дуйся, си́лою свы́ше облече́нный.
Ра́дуйся, науче́ние кни́жное возлюбивый;
ра́дуйся, к тому́ усер́дие имевый.
Ра́дуйся, разу́м Божество́нный стяжавый;
ра́дуйся, я́ко Сло́во Бо́жие умудри́ ты.
Ра́дуйся, преда́ний апо́стольских ве́рный блюсти́телю;
ра́дуйся, пра́вды Бо́жия ре́вностный храни́телю.
Ра́дуйся, просвеще́нный благода́тию;
ра́дуйся, учи́телю златослове́сный.

Ра́дуйся, изгна́нный пра́вды ра́ди Христо́вы;
ра́дуйся, таковых бо есть Ца́рствие Небе́сное.

Ра́дуйся, святи́телю о́тче Иннокенти́е, те́плый моли́твенниче о
душа́х на́ших.

Кондак 10

Спасти́ хотя́ па́ству твою́ от ересей и собла́знов, скве́рная учения́
беззако́нных обличи́л еси́, пресла́вне о́тче Иннокенти́е, Правосла́вие
же кро́тостию прему́дрых словес твои́х утверди́л еси́ и научи́л еси́
ста́до твоё воспевати́ Бо́гу: Аллилу́иа.

Икос 10

Стена́ твёрдая и огра́да необори́мая бысть си́ла моли́тв твои́х,
богоно́се о́тче Иннокенти́е, сего́ ра́ди и мы, па́ства твоя́, к тебе́ с ве́рою
прибега́ем и усер́дно мо́лим: бу́ди нам огра́ждение кре́пкое и ору́жие,
враги́ прогоня́ющее, да не возра́дуются хотя́щие нам зла́я. Такова́го
у́бо богодарова́ннаго помо́щника и засту́пника иму́ще, в весе́лии
вопи́ем ти такова́я:

Ра́дуйся, па́сты твоея́ до́брый первостоя́телю;
ра́дуйся, сумня́щихся кре́пкое в ве́ре утвержде́ние.
Ра́дуйся, зло́бу власте́й преде́ржащих кро́тко претерпе́вый;
ра́дуйся, и́стину небоязненно́ им веща́вый.
Ра́дуйся, гоне́ния и притесне́ния пра́вды ра́ди смире́нно прие́мый;
ра́дуйся, в до́мех благочестивы́х чад твои́х приста́нище имевый.
Ра́дуйся, я́ко тобою́ от всех зол избавля́емся;
ра́дуйся, я́ко твоими́ моли́твами ре́вности в правосла́вней ве́ре
исполня́емся.

Ра́дуйся, я́ко тобою́ и́стина утвержда́ется;
ра́дуйся, я́ко тобою́ лицепрिया́ние и человекоуго́дие посрамля́ется.
Ра́дуйся, я́ко пресе́кл еси́ злочестивы́х волне́ние;
ра́дуйся, лю́дем пензенским и сара́товским похваление́.

Ра́дуйся, святи́телю о́тче Иннокенти́е, те́плый моли́твенниче о
душа́х на́ших.

Кондак 11

Пе́ние похва́льное прино́сим тебе́, святи́телю о́тче Иннокенти́е, и
смире́нно про́сим тя: моли́ о нас Человеколю́бца Бо́га, да не отврати́т
лица́ Своего́ от нас, при́сно согреша́ющих и бла́гость Его́ на всяк час
преогорчева́ющих, но да изба́вит нас от грехо́в и прегреше́ний на́ших,
наипа́че же сподо́бит в час кончи́ны на́шея пока́яния и Божество́нных

Таин прича́стия, да с тобо́ю в Небе́сных оби́телях воспоём Бо́гу:
Аллилу́иа.

Икос 11

Свети́льник, во тьме неве́рия седа́щих просвеща́й, был еси в
земне́м жити́и твоём, о́тче наш Иннокéнтие. Просвети́ у́бо моли́твами
твои́ми и нас, в пучи́не греха́ погиба́ющих, да благода́рне вопие́м тебе́
си́це:

Ра́дуйся, смире́ния и терпе́ния наста́вниче наш премудры́й;

ра́дуйся, в моли́твах и бде́ниях учи́телю наш предобры́й.

Ра́дуйся, я́ко от суесло́вия и суемудрия нас отвраща́еши;

ра́дуйся, я́ко в добродéтели нас наста́вляеши.

Ра́дуйся, я́ко в суете́ мирсте́й и попечéниях житейских погрязшим
пути́ в Го́рняя указу́еши;

ра́дуйся, я́ко обременённых грехами́ и скорбями́ мно́гими,
никогда́же оставля́еши.

Ра́дуйся, и́стинный учени́че Христо́в, всех си́рых возлюбивы́й;

ра́дуйся, го́рдых и жестоковы́йных смири́вый.

Ра́дуйся, я́ко всех почита́ющих тя от напа́стей и зол сохраня́еши;

ра́дуйся, я́ко всех скорбя́щих и боле́знующих, к заступле́нию
твоёму́ притека́ющих, утеша́еши.

Ра́дуйся, свети́льниче, нас потемнённых грехми́ любви́ю
освеща́й;

ра́дуйся, ми́ро, нас беззакóнии смра́дными осквернённых,
облагоуха́й.

Ра́дуйся, святителю́ о́тче Иннокéнтие, тёплый моли́твенниче о
душа́х наших.

Кондак 12

Благода́ти сосу́д избра́нный был еси́, святителю́ о́тче Иннокéнтие;
те́мже восхваля́юще тя усер́дно, мо́лим: проле́й тёплую моли́тву ко
Госпо́ду за Оте́чество на́ше, да изба́вимся от нашест́вия
инопле́менных и междоусóбных бра́ней, да́ в ми́ре и ти́шине воспоём
Христу́ Бо́гу: Аллилу́иа.

Икос 12

Пою́ще сла́вное твоё к Небе́сным оби́телем восхожде́ние,
святителю́ о́тче Иннокéнтие, прославля́ем равноа́нгельное жити́е твоё
и во умилéнии се́рдца сла́вим, хвали́м и велича́ем возвели́чившаго тя

Господа, даровавшего нам новаго молитвенника и предстателя, Егже умоли спасти́ся всем, пою́щим ти такова́я:

Ра́дуйся, жити́ем чи́стым А́нгелов удиви́вый;

ра́дуйся, по́двиги тво́ими челове́ков наста́вивый.

Ра́дуйся, ни́щето́ю духо́вною сокрови́ще Ца́рствия Бо́жия обрети́ый;

ра́дуйся, пла́чем и скорб́ями вре́менными утеш́ения в́чнаго сподо́бивыйся.

Ра́дуйся, кро́тостию зе́млю пра́ведных насле́дивый;

ра́дуйся, пра́вды на земли́ взыска́вый, на Небесе́х же пра́вдою Бо́жиею насыще́нный

Ра́дуйся, ми́лостию и нищелю́бием ми́лость ве́лию от Господа стяжа́вый;

ра́дуйся, о́чи серде́чныя от скверны́ греха́ очи́стивый и Бо́га узре́вый.

Ра́дуйся, поноше́ния и непра́ведная гоне́ния Христа́ ради́ претерпе́вый;

ра́дуйся, изгна́нный пра́вды ради́ и в Небе́сныя оби́тели со сла́вою вше́дый.

Ра́дуйся, миротвор́че, сы́ном Бо́жиим нарече́нный;

ра́дуйся, мзду́ мно́гу на Небесе́х прие́мый.

Ра́дуйся, святи́телю о́тче Иннокенти́е, те́плый моли́твенниче о душа́х на́ших.

Кондак 13

О, пресла́вный святи́телю Христо́в Иннокенти́е! Приими́ от нас сие́ ма́лое молéние, в похвалу́ тебе́ приноси́мое, и изба́ви нас предста́тельством тво́им от бе́д и скорбе́й, да в жити́и сем вре́менем сетей́ вра́жиих и прелести́ бесо́вския изба́вльшеся, возду́шная мыта́рства непреткнове́нно пройдем и в Небе́сный Иерусали́м вселит́ся сподо́бимся, иде́же с тобо́ю Всеблагóму Бо́гу на́шему воспоём: Аллилу́иа.

Молитва

О, свят́че Бо́жий, святи́телю Христо́в Иннокенти́е, при́зри от сла́вы твоея́ гор́няя и прими́ моли́твы нас, грешных и недостóйных рабо́в твои́х, zde пред о́бразом тво́им честным [или́: святи́ми мо́цями тво́ими] припада́ющих и те́пле умоля́ющих тя, и принеси́ их ко Престо́лу вся содер́жащаго в руце́ Своёй Бо́га, Емуже́ ты до́бре послужил еси́ во дни земна́го жити́я твоего́. Умоли́, уго́дниче Бо́жий, Всеми́лостиваго Спа́са Христа́ за богода́нную твою́ па́ству, ты

возлюбившую, да отженёт от земнаго отечества твоего вся соблазны, раздоры, нестроения. Церковь Христоу и град наш огради святыми твоими молитвами от расколов, прельщения иновѣрием и наветов злых человек. Всех же нас в единомыслии и любви друг ко другу соблюди, да едиными усты и едином сердцем воспоём всесвятое и единоедержавное Имя Отца, и Сына, и Святаго Духа во веки веков. **Аминь.**